

#RSABUDGET2020

www.treasury.gov.za

f RSA Budget

#RSABudget2020

Kgatiso e ke matlhakanelwa a lefapha la matlotlo le lefapha la lekgetho la Afrika Borwa

DITLHAGISO TSA



national treasury
Department
National Treasury
REPUBLIC OF SOUTH AFRICA

Tel: (012) 315 5757
www.treasury.gov.za

TSHEDI-MOSETSO

TEKANYETSOKABO KE ENG

Tlhakole o mongwe le o mongwe Letona la Matlotlo le rebola Tekanyetsokabo ya setšhaba mo a begang lenaneo la puso la go dirisa madi, lekgetho le kadimo ya madi mo dingwangeng tse tharo tse di latelang. Tekanyetsokabo e tlhalosa mokgwa o madi a puso a tlleng go arogangwa ka teng mo mafapheng a bosetšhaba, diporofinsi le dipusosegae.

TEKANYETSO KABO E BAAKANGWA JANG?

1. Ditaello di romelwa go mafapha mabapi le tshedimosetso ya tekanyetsokabo
2. Mafapha a beela pele mananeo a a botlhokwa, maano a a supang tiriso ya madi le maikemisetso a go tseweletsa ditirelo tsa setšhaba
3. Megopolo ya tekanyetsokabo e romelwa kwa lefapheng la matlotlo gore e sekasekiwe ka kelothoko

4. Komiti ya batsamaisa-bagolwane e akanyetsa dikabo tsa tekanyetsokabo ka keletlhoko
5. Komiti e e dira dipuelelo kwa komiting ya Matona a tekanyetsokabo
6. Lekwalo la tekanyetsokabo ya selekano se se fa gare ga ngwaga (MTBPS) le tshwaela tekanyetsokabo e e tla solofelwang

7. Lwa bofelo tshwetso ya dikabo e tseewa kwa kobotlong
8. Makwalo a tekanyetsokabo a baakangwa
9. Tekanyetsokabo ya naga e ya itsisewe
10. Palamente e akanyetsa le go amogela tekanyetsokabo
11. Morago ga seo tekanyetsokabo e romelwa kwa Mopresidente go e baya monwana gore e nne mo molaong



TLHAELO YA MADI LE TLHATLHOGO YA SEKOLOTO SA AFRIKA BORWA

Madi a setšhaba a mo maemong a a reketlang. Puso e dirisa madi a ikononi e senang one, gape e adima ka selekano se se oketsegang gore e kgone go duelela tlhalelo ya madi.

Fa e sale lekwalo la selekanyetso sa tekanyetsokabo ya fa gare ga ngwaga (Medium Term Budget Policy Statement: MTBPS) la ngwaga wa 2019, maemo a ikononi a koafetse thata, mme le leano la kgolo ya GDP le buseditse morago ka diperesente di le 0.3. Ponelepele ya lotseno la lekgetho le yona e fokoditswe. Kgatelelo ya tiriso ya madi e tseweletse go tlhatlhoga, bogolo thata ka ntlha ya mathata a tiriso e e tlhobaetsang ya madi mo dikhampaning tsa puso (SOCs).

MTBPS ya ngwaga wa 2019 e tsibositse gore ditlamorago tsa go se tseye dikgato tsa go busetsa nonofo ya tiriso ya madi a setšhaba di tla

Afrika Borwa e tlhoka diphetogo tse di botlhokwa tsa tlhobologo e e tokafetseng go netefatsa kgolo e e bonako ya ikononi, gore e kgone go tshegetsatsa kgolo ya letseno la lekgetho le le dueelang mananeo a katlaatlalo-loago.

nna dikgolo thata. Mo tsamaong ya nako, Afrika Borwa e tllile go feleletsa e sena bokgoni ba go duelela mananeo a katlaatlalo-loago le a ikononi; tlhatlhogo ya tlhwatlhwa ya sekoloto le ya morokotso; tshepo e e koafetseng, seo se baka dipeeletso tse di kwa tlase le koafalo ya kgolo ya ikononi, mathata a a tseneletseng a botlhokatiro; kgolo ya sekoloto sa puso; le ikononi e e palelwang ke go itshokela maemo a a bokoa a lefatshe.

Go faposa maemo a, puso e ikaeletse go fokotsa tuelo ya badiredi-putso, seo se tla dira gore

puso e kgone go boloka madi a a kana ka dibilione di le 160 mo dingwangeng tse tharo tse di latelang. Phokotso e ya tuelo ya badiredi-putso e tshwanetse go tokafatsa maemo a tiriso ya madi, ka go tlhola tšhono ya go dirisa madi mo dithotong le ditirelo, le dipeeletso tsa mafaratlhatlha.

Maano a, ka bo one, ga a lekane. Mo ipakanyong ya Tekanyetsokabo ya ngwaga wa 2020, puso e akantse ka keletlhoko go tlhatlhosetsa godimo letseno la lekgetho, mme ya tsaya tshwetso

kgatlhanong le kakanyo eo. Dintlha tsa botlhokwa tsa tshwetso e ele bokoa jwa ikononi. Kelotlhoko ya puso mo lobakeng la ga jaanong ke go ntšhafatsa bokgoni ba Lefapha la Lekgetho la Afrika Borwa (SARS) le go aga tshepo ya setšhaba mo setheong se.

Afrika Borwa e tlhoka diphetogo tse di botlhokwa tsa tlhobologo e e tokafetseng go netefatsa kgolo e e bonako ya ikononi, gore e kgone go tshegetsatsa kgolo ya letseno la lekgetho le le dueelang mananeo a katlaatlalo-loago. Diphetogo tse di botlhokwa go fetisisa tsa tlhabologo ke go netefatsa gore malapa le dikgwebo a na le selekano se se ikanyegang ebile se lekane sa thebolo ya motlakase. Mo tsamaong ya nako, kgolo e e kwa godimo ya ikononi e tllile go fokotsa kgatelelo ya tiriso ya madi ka go oketsa kgobokanyo ya lekgetho le go fokotsa sekoloto sa Afrika Borwa.



DITLAMORAGO TSA TLHAELO YA MOTLAKASE MO IKONOMING



MOLAETSA WA LETONA

Matlole a Afrika Borwa a mo maemong a a tlhobaetsang e le tota. Tlhokego (ya ditirelo) e a oketsega mme ga gona metswedi (ya madi) e e lekaneng.

Tiriso ya madi e tshwanetse go bolokiwa, mme ka dinako tse dingwe e tshwanetse go okediwa ka ntlha ya tlhatlhogo ya maikarabelo a katlaatlalo-loago, le fa go ntse jalo, puso e okeditse kadimo ya madi ka gore kgobokanyo ya letseno e ntse e le bokoa.

Ditharabololo le dikgato tse di masisi di tlhokega ka bonako, mme di tlhoka puso e nne seoposengwe le badiri, dikgwebo le mekgatlo ya setšhaba. MaAfrika Borwa a fela pelo thata ka mokgwa o puso e dirisang madi, bogolo thata tiriso ya madi a baduela lekgetho a a dirisiwang go tshegetsatshegetsa dikhampani tsa puso (SOCs), tseo di berekelang gore di kgone go nna mo maemong a a itsetsepetseng a matlole.

Tekanyetsokabo ya ngwaga wa 2020 e ipaakanyetsa go tseweletsa tiriso ya madi mo mananeong a a botlhokwa a katlaatlalo-loago, jaaka madi a katlaatlalo-loago, tsa pholo le thuto ya motheo. Tekanyetsokabo e akantsa go tsaya dikgato di le mmalwa tsa go dirisa madi ka matsetseloko. Re dira ka natla go laola tiriso ya madi, le go tokafatsa maphelo a batho ba rona. Re dira ka thata go aga setšhaba, se se tla re kgontsha go tlhola ditšhono tsa ditiro le go thibela tshenyho.

Ke kgothaletsa maAfrika Borwa gore a nonofale mo maemong a a gwelehang a, gape a nne le tsholofelo gore go tla tokafala. La bofelo ke nopola go tswa kwa bukeng ya Mike Rawlings, e e reng: "Go ka nna maswe pele go nna botoka, mme go tlile go nna botoka".

Ka ngwaga wa 2019 ikonomi e lekanyeditswe kgolo ya diperesente di le 0.3. Fa e sale MTBPS ya ngwaga wa 2019, ponelopele ya ikonomi e akanyeditswe kwa tlase ka diperesente di le 0.9 mo ngwageng wa 2020, go ya kwa godimo ka diperesente di le 1.6 ka ngwaga wa 2022.

Tlhaelo ya motlakase e solofetswe go gatelela kgolo mo dingwageng tse di mmalwa tse di latelang. Puso e ikaeletse go baakanya kgwetlho ya tlhaelo ya motlakase. Mo dingwageng tse tharo tse di latelang, tiriso ya madi ya maatla a motlakase e solofetswe go fitlhelela dibilione di le 150, seo ke karolo ya botlhano (a fifth) ya tiriso ya madi a mafaratlhatlha. Lenaneo la bosetšhaba la go kopanya motlakase (Integrated

National Electrification Programme) le okeleditswe kabo ka dibilione di le 16.4 go dirisetswa dikgolaganano tse dintšhwa tsa diwaere tsa motlakase di le 560 000 mo dingwageng di le tharo tsa tekanyetsokabo. Malapa a le 15 000 mo godimo ga moo a tlile go tlamelwa ka mothale wa maatla a motlakase o ikemetseng ngwaga le ngwaga. Mo dingwageng di le tharo tsa tekanyetsokabo, puso e tlile go neela dimmasepala le Eskom dibilione di le 15.7 go dirisetswa lenaneo leo.

Puso e simolotse go tsaya dikgatho tsa go mekamekana le mathata a kgatelelo ya kgolo ya ikonomi ka go itsise metseseletsele ya togamaano ya melao le tsamaiso e e tlhomameng. Lefapha la dikungo tsa monontsane le maatla a motlakase le sekaseka megopolo ya

go oketsa maatla a motlakase ka 3 000 MW, gape le go sekaseka phetholo ya melawana ya thulaganyo ya bobedi e e thusang ka tlhamo e ikemetseng. Puso e tlhomile maikaelelo a Karolo 34 (Section 34), e e tla dirang gore dimmasepala di kgone go reka motlakase kwa batlhagising ba ba ikemetseng ba maatla a motlakase (Independent Power Producers – IPPs). Maiteko a magolo a tsentswe mo tseleng go potlakisa go bona thebolelo ya motlakase go tswa kwa Metsweding ya motlakase e e ka ntšhafadiwang go tswa kwa diIPP, le go reka maatla a motlakase go tswa go bao ba ka kgonang go golola maatla a motlakase mo magareng ga dikgwedi di le 3-12, morago ga kamogelo ya kopo. Go akanngwa gore diIPP tse di leng teng di kgona go oketsa motlakase ka 200 MW.

GO FEDISA TIRISO DIKGOKA KGATLHANGONG LE BASADI LE BANA

Mo dingwageng di le tharo tsa tekanyetsokabo, puso e tlile go simolola thulaganyo ya dikgotlatshekelo di le 58 tsa melato ya thobalano tse dišwa go akaretsa le basekisi le koketso ya diThuthuzela Care Centres di le 5.

Dikgotlatshekelo di le 46 tse di nang le ditshalelo morago di tla dirisiwa go seka melato e e botlhokwa le go fedisa dikgetsi tsa tirisodikgoka tse di ikaegileng ka bong, le tsa dipolao tsa basadi. Go tshegetsatshegetsa mananeo a a ikaeletseng go thibela HIV le AIDS, tiriso ya diokobatsi, tirisodikgoka e e ikaegileng ka bong le dipolao tsa basadi, puso e tlile go oketsa tekanyetsokabo ya mafapha a katlaatlalo-loago a diporofensi.





POROJEKE YA MANANEO A DITOROPO A DIKAGO TSA IPAANYETSO

Go itlhaganedisa phetogo ya dibaka mo ditropong, puso e tlile go tlhoma maano, mananeo le diporojeke mo maemong a a siameng, a ditiriso le matseno a a farologaneng mo ditropong le Urban Networks mo metsesetoropong. Puso e ikemeseditse go tlhoma porojeke ya mananeo a ditropono a dikago tsa dipaakanyetso (Cities Programme Project Preparation Facility – CIPPPF).

CIPPPF e tlile go nna le dithebolelo tsa mafaratlhatlha tsa ditropono tse di ineetseng go tshegetsa ditropono tse di kgolo go godisa tsamaiso ya mananeo le diporojeke tsa go ipaakanyetso mananeo a dipeeletso tsa tsone.

Maikemisetsa ke go itlhaganedisa phetogo ya dibaka le go tlhola ditiro, seo e leng tsela ya go fokotsa bohuma le go tlhoka tekatekano.



PUSO E DIRISANA LE MEKGATLHO YA SETSHABA

Ka ngwaga wa 2018, Lefapha la Matlotlo lene la dirisana le mekgatlo ya setšhaba ka go simolola website ya tshedimosetso e e bidiwang Vulekamali; e e gapileng sekgele ka go rotloetsa tekanyetsokabo e e mo phatlalatseng ebile gape e rotloetsa setšhaba go nna le seabe.

Ka 2 le 3 Mopitlwe 2020, Lefapha la Matlotlo le tlile go laletsa mafapha a

matlotlo a dinaga tse di farologaneng go tswelela ka go sekaseka metswedi le botsaakarolo mo tekanyetsokabo. Maikaelelo a porojeke ya go lekeletsa ya dingwaga tse 3 ke go aga bokgoni bo bo tla tsenngwang mo tirisong mo mafapheng a matlotlo. Taletso ya batho botlhe ba ba nang le kगतlego go tsaya karolo mo porojekeng e e gasitswe mo websiteng le fa metsweding ya go ikgolaganya ya Lefapha la Matlotlo.

MADI A KATLAATLELO-LOAGO

Mo ngwageng was 2020/21, puso e tlile go oketsa madi a go tlamela bana ka diranta di le 20 ka kgwedi, fa madi a go tlamela bana ba ba senang batsadi a tla tlhatlhoga ka diranta di le 40 ka kgwedi, mme phenshene ya batsofe yone e tla tlhatlhoga ka diranta di le


80 ka kgwedi.

Ka ngwaga wa 2022/23, go solofetswe gore dimilione di le 19 tsa baagi ba tla be ba amogela madi a katlaatlelo-loago. Madi a go tlamela bana a fitlhelela palo e ntsi ya baamogedi, e e akanyediwang go bana ba le dimilione di le 13.4.


MADI A KATLAATLELO-LOAGO	2019/20	2020/21
Phenshene ya batsofe	R1 780	R1 860
Phenshene ya batsofe ba kwa godimo ga 75	R1 800	R1 880
Madi a go tlamela masole a maloba	R1 800	R1 880
Madi a go tlamela ba ba sa itekanelang	R1 780	R1 860
Madi a go tlamela bana ba ba senang batsadi	R1000	R1 040
Madi a go thusa bao ba ikaegileng go puso	R1 780	R1 860
Madi a go tlamela bana	R425	R445

MADI A TSWA KAE EBILE A TLILE GO DIRISIWA JAANG KA 2020/21?


METSWEDI YA LETSENO YA PUSO KA 2020/21



TIRISO YA MADI A PUSO KA NGWAGA WA 2020/21



DITUELO TSA PUSO TSE DI SENANG TSALO LE TSE DI NANG LE TSALO JAAKA KAROLO YA MADI OTLHE A DIRISITSWENG



* Madi a a dirisiwang a sena tsalo le madi otlhe a a dirisitsweng ke puso a sa akaretse tsalo ya madi a sekoloto

2020 DITOGAMAANO TSA LEKGETHO



Lekgetho la Badiri

DIPHETOGO TSA LEKGETHO LA BADIRI LE GO AMA JAANG?

Tekanyetsokabo ya ngwaga wa 2020 e neelana ka kgololesego ya mmatota (go feta infoleišene/go tthatloga ga ditlhwatlhwa) ka go fetola mephato ya matseno le go oketsa dipoelo tsa lekgetho la letseno. Madi ao motho a ka a amogela pele a ka duela lekgetho, a baakantswe ka tsela e e latelang mo ngwageng wa lekgetho o simololang ka 1 Mopitlwe 2020 go fitlha ka 28 Tlhakole 2021.

MEPHATO YA LEKGETHO	2019/20	2020/21
Kwa tlase ga dingwaga di le 65	R79 000	R83 100
Dingwaga di le 65 go fitlha go di le 74	R122 300	R128 650
Dingwaga di le 75 le go feta	R136 750	R143 850

Mephato e mešwa ya lekgetho la baduela lekgetho e jaana:

DIPOELO TSA LEKGETHO	2019/20	2020/21
Ga ntlha (kwa tlase ga dingwaga di le 65)	R14 220	R14 958
Ga bobedi (dingwaga di le 65 le go feta)	R7 794	R8 199
Ga boraro (dingwaga di le 75 le go feta)	R2 601	R2 736

Letseno la Boleofi

TLHATLHOSO YA LEKGETHO LA BOJWALA LE MOTSOKE

Lekgetho le le kgethegileng la dino tsa bojwala le didiriso tsa motsoko le tla oketsega magareng ga diperesente di le 4.4 le 7.5.

	DITLHATLHOSWA KA:
Bire	8c moteme wa 340ml
Mofeine o o sa omelwang	14c lebotlolo la 750ml
Mofeine o o ometsweng	23c lebotlolo la 750ml
Mofeine o tsabakelang (Sparkling Wine)	61c lebotlolo la 750ml
Bojwala jwa maungo	8c moteme wa 340ml
Bojwala jwa digalagala	R2.89 lebotlolo la 750ml
Motsoko	74c pakete ya 20
Motsoko o o sa phutelwang	82c selekano sa 50g
Motsoko wa peipe	40c selekano sa 25g
Disikara	R6.73 selekano sa 23g

Lekgetho la Leokwane

DITLHATLOSO TSA LEKGETHO LA LEOKWANE LE LE AKARETSANG

Tlhatloso ya lekgetho la leokwane la kakaretso ke disente di le 16 litara fa letlote la dikotsi tsa tsela e le disente di le 9 go simolla ka 1 Mopitlwe 2020. Mme seo se tlele go tlhatlhosa:

- Madi a lekgetho la leokwane la kakaretso ka diranta di le 3.70 litara ya petorolo le go diranta di le 3.55 litara ya disele
- Madi a letlote la lekgetho la dikotsi tsa tsela ka diranta di le 2.07 litara ya petorolo le disele ka bobedi.

Letseno la Tikologo

TLHATLOSO YA LEKGETHO LA KGETSI YA POLASETIKI

Lekgetho la kgetsi ya polasetiki le tlele go oketsega go tloga go disente di le 12 go disente di le 25 go simolola ka 1 Moranang 2020

TEKANYETSO TSA LEKGETHO

LEKGETHO: MOTHO KA BOENE LE DI TERASETE

Tuelo ya lekgetho la motho ka boene ya lekgetho-la-ngwaga o o felang magareng ga 1 Mopitlwe 2020 le 28 Tlhakole 2021.

Letseno la Baduela Lekgetho (R)	Tuelo ya Lekgetho (R)
0 - 205 900	18% ya letseno
205 901 - 321 600	37 062 + 26% ya letseno le le kwa godimo ga 205 900
321 601 - 445 100	67 144 + 31% ya letseno le le kwa godimo ga 321 600
445 101 - 584 200	105 429 + 36% ya letseno le le kwa godimo ga 445 100
584 201 - 744 800	155 505 + 39% ya letseno le le kwa godimo ga 584 200
744 801 - 1 577 300	218 139 + 41% ya letseno le le kwa godimo ga 744 800
1 577 301 le go feta	559 464 + 45% ya letseno le le kwa godimo ga 1 577 300
Di terasete tse di sa kgethegang	Palo ya lekgetho 45%

LETSENO LA BADUELA LEKGETHO: DIKHAMPAANI

Ngwaga magareng ga 1 Moranang 2020 le 31 Mopitlwe 2021

Mofuta wa Lekgetho	Tuelo ya Lekgetho (R)
Dikgwebo	28% ya letseno le le duelang lekgetho

LETSENO LA LEKGETHO: DIKGWEBO TSE DIKGOLOANE TSA BATSHWARADIABE BA BA FITLHANG GO IO KA PALO

Ngwaga magareng ga 1 Moranang 2020 le 31 Mopitlwe 2021.

Letseno la Baduela Lekgetho (R)	Tuelo ya Lekgetho (R)
0 - 83 100	0% ya letseno
83 101 - 365 000	7% ya letseno le le kwa godimo ga 83 100
365 001 - 550 000	19 733 + 21% ya letseno le le kwa godimo ga 365 000
550 001 le go feta	58 583 + 28% ya letseno le le kwa godimo ga 550 000

LETSENO (KWA NTLE LE GO NTLA DITSHENYEGELO) DIKGWEBO-POTLANA TSA BATSHWARADIABE BA BA FITLHELANG GO 5 KA PALO

Ngwaga magareng ga 1 Mopitlwe 2020 le 28 Tlhakole 2021.

Letseno la Baduela Lekgetho (R)	Tuelo ya Lekgetho (R)
0 - 335 000	0% ya letseno
335 001 - 500 000	1% ya letseno le le kwa godimo ga 335 000
500 001 - 750 000	1 650 + 2% ya letseno le le kwa godimo ga 500 000
750 001 le go feta	6 650 + 3% ya letseno le le kwa godimo ga 750 000

Tsamaiso Ya Go Reka Matlo

PHOKOTSO YA LETSENO LA GO REKA MATLO

Lekgetho la theko ya matlo le tlele go fetolwa go simolola ka 1 Mopitlwe 2020

Tlhwatlhwa Ya Kago (R)	Tuelo (R)
0 - 1 000 000	0%
1 000 001 - 1 375 000	3% ya letseno le le kwa godimo ga R1 000 000
1 375 001 - 1 925 000	11 250 + 6% ya letseno le le kwa godimo ga R1 375 000
1 925 001 - 2 475 000	44 250 + 8% ya letseno le le kwa godimo ga R1 925 000
2 475 001 - 11 000 000	88 250 + 11% ya letseno le le kwa godimo ga R2 475 000
11 000 001 go feta	1 026 000 + 13% ya letseno le le kwa godimo ga R11 000 000